

SCRIPT OF EVENING GOJRI NEWS BULLETIN 17FEB 2025

1700HRS

اوننگ گوجری نیوز بولیٹن 17 فروری 2025

یوہ آکاشوانی جموں طفر کوہلی تے نصرت تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے کہیو بھارتی فوج سرحدوں ور ہر قسم غی صورتحال نال نمڑن واسطے مکمل طور ور تیار ہے تے دشمنان نانہ منہ توڑ جواب دے رہی ہے۔
- ۲۔ نفاذ بارے محکمہ نے بکھ بکھ جگہاں ور چھاپے ماری کرغے کھنگ غی دوا نانہ غیر طریقہ سنگ خرید و فروخت کرن غا معاملہ مانہ ۲ افراد نانہ پکڑیو ہے۔
- ۳۔ بھارت نے دنیا غو سب تیں برو دس ٹن غو ایندھن ملان آلو آہ تیار کیو ہے جہیرو راکت چھوڑن واسطے بہت ضروری ہے۔
- ۴۔ کھیلو انڈیا سرمائی کھیڈ جہیڑی گلمرگ کشمیر مانہ شروع ہونی تھی برف غی کمی غی وجہ تیں ملتوی کردتی ہیں۔

LG

بھارتی فوج سرحدوں ور ہر قسم غی صورتحال نال نمڑن واسطے مکمل صلاحیت رکھے تے دشمنان نانہ منہ توڑ جواب دے رہی ہے۔ لیفٹیننٹ گورنر منوج سنہا نے کہیو کہ دہشت گردی مخالف کاروائیاں مانہ کوئی وقفہ نی وے غو تے حفاظتی اداران نانہ ہدایت دتی گئی ہے جے دہشت گردی نانہ جڑ تیں ختم کریں تے خطہ مانہ امن و سکون نانہ یقینی بناویں۔ اج جموں مانہ انہاں نے سیکھ کرکٹ پر میر لیگ غا پہلا شمارا غو افتتاح کیو۔ افتتاح تیں بعد ضرائع ابلاغ نال گل کرتا واں ایل جی منوج سنہا نے اس طرح کہیو۔ انہاں نے مزید کہیو کہ یوہ مقابلو نہیں بلکہ ایک ثقافتی تے سماجی پہل وی ہے جہیڑو جموں کشمیر مانہ سیکھ برادری غا نوجوانان گا روشن مستقبل غی تعمیر گو حصو ہے۔

ED RAIDS

نفاذ بارے ڈائریکٹر جموں نے ناجانیز پیسہ غی لین دین غا روک تھام بارے بنایا گیا قانون غے تحت جموں کشمیر دہلی ہریانہ ہماچل پردیش مانہ گزشتہ ویروار آلے تہاڑے کف سیرپ غی غیر مجاز طریقہ سنگ خرید و فروخت گا معاملہ مانہ ریس احمد بٹ تے دوجہ دیگر افراد غے خلاف بکھ بکھ جگہاں ور چھاپے ماری کی ہے۔ اس سلسلہ مانہ بکھ بکھ جگہاں ور تلاشی کاروائی غے دوران کُج ایک دستاویزات تے کُج ڈیجیٹل ثبوت ۰۴ لکھ ۲۶ ہزار نا معلوم پیسو تے کُج زیورات جس غی قیمت ۱ کروڑ ۱۶ لکھ دسی جاری ہے وہ وی برآمد ہووے نفاذ بارے ڈائریکٹوریٹ نے دسیو ہے جے سوار تہاڑے نفاذ ڈائریکٹوریٹ عملہ نے شمالی ریاستاں تے مرکزی زیر انتظام آلا علاقان تیں اس سلسلہ مانہ تلاشی کاروائی کرن غے دوران دو ملزم وی پکڑیا ہیں۔

DODA FARMERS VISIT

کساناں غی ترقی تے بہتری غی خاطر زراعت تے کساناں واسطے فلاح و بہبود محکمہ ڈوڈھ نے بیج غی پیداوار تے سیڈ ملٹیپلیکیشن چین سکیم غے تحت اج ۴۳ کساناں گا جتہ نانہ

جھنڈی دس غے کاشت کاری بارے تجربو حاصل کرن واسطے روانہ کیو۔ اس دورہ غو مقصد کساناں واسطے جدید تکنیک متعارف کرانی ہیں جن غی وجہ توں کساناں پیسہ کمان آلی کاشت کاری کرسکیں۔ جس مانہہ سیب اکھوڑ تے کیوی غی پیدوار شامل ہے اس دورہ ور کسان ضلع رام بن غا بھارتی ایتھلین پروجیکٹ غو وی دورو لاویں گا جت کسان پہلا ہتھ جدید طرز غا علم سنگ باغ بانی کرن غا نوا طریقہ وی سکھیں غا۔ تقریب سنگ خطاب کرتا واں ڈی سی ڈوڈھ ہرویندر سنگھ نے اس دورہ بارے کج اس طرح کہیو۔ اس دورہ بارے ایک کسان سرجیت سنگھ نے گل کرتا واں اس طرح کہیو۔

KHAIR TREES

کھیر غا درختاں غی کتانی غی اجازت مانہہ توسیع ۱۳ مارچ ۲۰۲۵ تک بدھا دتی گئی ہے تانجے مقامی کساناں نانہہ اضافی آمدنی غو زریعو مل سکے۔ کھیر غا درخت اقتصادی طور ور قیمتی وین تے دوا سازی خوارک چمرا غی صنعتاں مانہہ استعمال وین یاہ پالیسی پائیدار جنگلاتی طریقاں نانہہ فروغ دے جس مانہہ پختہ درختاں گئی کتانی ور پابندی تے دوبارہ پودا لان غی حوصلہ افزائی شامل ہے۔ اس توسیع تیں مقامی برادری نانہہ اپنی آمدنی غا زرائع نانہہ متنوع بنان تے علاقائی اقتصادی ترقی نانہہ فروغ دین گو موقعو لبے غو۔

PM MANN KI BAAT

وزیر اعظم نریندر مودی نے اپنا خیالات من غی بات پروگرام غے زریعے ملک غا لوکاں تے بیرون ملک رہ رپیا بھارتیہ سنگ ۳۲ فروری نانہہ سانجہ کریں گاریڈیو ور مہینہ وار پروگرام غی ۹۱۱ کشت وے غی۔ اس پروگرام مانہہ ملک غا لوک اپنا خیالات تے سجاو ٹال فری نمبر ۰۰۸۷۱۱۰۰۸۱ ور سانجہ کرسکے۔ اس تیں علاوہ وے اپنی رایا نریندر مودی ایپ یا مائی گوو اوپن فورم ور وی دے سکیں ۳۲ فروری نانہہ نشر ہون آلا اس پروگرام واسطے لوکاں گا مشورہ تے خیالات اس مہینہ غی ۱۲ تاریخ تک لیاجیں گایوہ پروگرام آکاشوانی تے دور درشن غا سارا نیٹ ورکاں ور نشر کرن توں علاوہ اے آئی آر نیوز ویب سائٹ تے موبائیل ایپ نیوز آن آے آئی آر ور وی نشر کیو جے گو قابل زکر ہے جے جناب مودی غو یوہ پروگرام برائے راست یو ٹیوب غا اے آئی آر نیوز ڈی دی نیوز پی ایم او تے اطلاعات تے نشریات غی وزارت غی طرفوں وی نشر کیو جے غو۔

PROPELLANT MIXER

بھارت نے دنیا گو سب تیں برو دس ٹن گو ایندھن ملان آلو تیار کر غے ایک بڑی تکنیکی کامیابی حاصل کی ہے۔ یوہ میکسچر اسرو گا ستیش دھون سپیس سینٹر نے بینگلور غا مرکزی پیداواری ٹیکنالوجی ادارہ غے نال مل غے تیار کیو ہے۔ یوہ آلہ ۵۱ ٹن وزنی ہے تے اس غی اوچائی ۸ اشاریہ ۷ میٹر لمائی ۵ اشاریہ ۴ میٹر تے چوڑائی ۳ اشاریہ ۳ میٹر ہے۔ یوہ ٹھوس ایندھن غی چیزاں نانہہ محفوظ تے درست طریقہ تیں ملان واسطے استعمال وے جہیڑو راکٹ چھوڑن واسطے بہت ضروری ہے اسرو نے اس نانہہ آتم نربھر بھارت ان سپیس مہیم غا تحت بھارت غی بدھتی وی خود انحصاری غی علامت قرار دتو ہے۔ یوہ جدید نظام ٹھوس موٹر غی تیاری مانہہ پیداوار معیار تے حفاظت نانہہ بہتر بناوے ریموٹ تیں چلن آلو یوہ میکسچر گزشتہ ہفتے اسرو غے حوالے کیو گیو جہیڑو بھارت غا خلائی سفر مانہہ ایک سنگ میل چابت ہو۔

WINTER GAMES

وین کھیلو بھارت سرمائی کھیڈ غو دوسرو مرحلو ۲۲ فروری نانہہ گلمرگ کشمیر مانہہ ۵ شروع ہونو تھو جھپڑو برف غی کمی غی وجہ تیں ملتوی کردتو۔ جموں کشمیر کھیڈان گا کونسل غے مطابق نوی تاریخ اُس وقت اعلان کی جے غی۔ جس موسم بہتر وے گو تے نوا جائیزہ لیا جیں غا لہ مانہہ پہلو مقابلو ۳۲ تے ۷۲ جنوری غے درمیان ہوو تھو جس مانہہ آیس باکی، تے سکیٹنگ غا مقابلہ ہوا۔ تے گلمرگ مانہہ الپائن سکینگ نارڈک سکینگ سکائی ماوٹیننگ تے سنو بورڈنگ غا مقابلہ ہونا تھا۔

RAMBAN FARMER

ضلع رام بن غا کساناں غی ترقی تے گزر بسر نانہہ آسان بنان واسطے ضلع گا محکمہ زراعت نے بکھ بکھ سکیم متعارف کرائی ہیں جس گے زریعے کساناں نانہہ فائدو پجایو جاسکے محکمہ نے پرمپراگاٹ کرشی وکاس یوجنا غے تحت کساناں واسطے نامیاتی کاشت کاری تے جدید سائنسی تجربہ کاری غے زریعے کساناں نانہہ مدد پجائی ہے اس سکیم گے زریعے سرکار نے ۳ سالان واسطے ۱۳ ہزار روپیہ فی ایکڑ امدادی رقم وی دستیاب کرائی ہے اس تیں علاوہ نیشنل مشن تے قومی فارمنگ غی مدد سنگ قدرتی زراعتی کٹ جریدن واسطے وی ۲۱ سو ۸۴ روپیہ غی مدد کی ہے۔ اس گل توں ظاہر وے جے ضلع انتظامیہ کساناں غی آمدنی تے فائدہ واسطے وعدہ بند ہے اس سلسلہ مانہہ بولتا واں رام بن غا ایک مُستفید سیوا رام نے کاشوانی سنگ گل بات کرتا واں کُج اس طرح کہیو۔

IPL 2025

آئی پی ایل کھیڈ مقابلہ ۵۲۰۲ اگلا مہینہ غی ۲۲ مارچ توں شروع ہو رہیو ہے اس گل غی جانکاری اج بھارتی کرکٹ غا بورڈ یعنی بی سی سی آئی نے دتی قابل ذکر ہے جے بھارتیہ پرمیر لیگ دنیا غی منافع بخش حق رائے دہی ٹی ۲۰ کرکٹ ٹورنامنٹ مانہہ شمار وے۔ کولکتہ غا ایڈن گارڈن سٹیڈیم مانہہ ۲۲ مارچ نانہہ آئی پی ایل ۵۲۰۲ گو پہلو کرکٹ کھیڈ مقابلو کالکتہ نائیٹ رائیڈر تے رائل چیلنجر بیگلرو غے بشکار کھیڈیو جے گو۔ آئی پی ایل ۵۲۰۲ کھیڈ مقابلہ غی لسٹ مانہہ دوجو مقابلو سنراٹزر بیدرا باد تے راجستھان رائل گے بشکار ۳۲ مارچ نانہہ کھیڈیو جے غویاد رہ جے گزشتہ سال غی طرح اس سال وی آئی پی ایل ۵۲۰۲ گا سیزن مانہہ ۰۱ تیم شامل ہیں جن نانہہ ۲ گروپ مانہہ بنڈیو گیو ہے ہر ایک گروپ مانہہ ۵ تیم ویں گی۔
